

華東稀見方志文獻 第二十五卷

中國華東文獻叢書



中國華東文獻叢書·第一輯

華東稀見方志文獻

第二十五卷

甘肅省古籍文獻整理編譯中心
中國華東文獻叢書編輯委員會
編

本卷目錄

南昌府志

〔萬歷〕

范

涑修

章

潢纂

.....

〇〇三

【萬歷】范涑修章潢纂

南昌府志

〔萬歷〕《南昌府志三十卷首一卷末一卷》，明范涑修，章潢纂，萬歷十六年（公元一五八八年）刻本（序）。白口，單魚尾，四周雙欄。半葉十行，行二十一字。總目後記有『通共拾貳冊叁拾卷計壹仟貳佰伍拾壹葉』『通共板刻計柒佰貳拾貳片內，雙面板刻伍佰貳拾捌片，單面板刻壹佰玖拾肆片』。書口下方題有鄧彥、常、張、祝等刻工姓名及板刻字數。

范涑，字原易，生於嘉靖三十九年（公元一五六〇年），卒於萬歷三十八年（公元一六一〇年），屯溪（今安徽黃山市）人，曾任江西南城知縣及南昌知府。章潢，字本清，生於嘉靖六年（公元一五二七年），卒於萬歷三十六年（公元一六〇八年），南昌（今江西省南昌市）人，著有《圖書編》等。卷前有范涑自序、張位、程福生、萬廷言序文及熊釗、胡嚴等舊序，卷末有章潢後序。

新修南昌府志序

余守豫章之明年巨浸作民籲
所司求所以佐歲者惟長河官
港因天順地其利普其惠不費
而額課有禁也弛之便爰遡之
掌故尋課鈔所自始將徼惠於
朝永蠲之當事者可其議顧往牒

南昌府志序

無徵遂寢或曰省有大志可稽
也而畧又曰郡故有志而未傳
即諮之二酉得其簡褻然百年
物也其畧猶是也矧殘闕不啻
此耶乃商之章本清氏本清郡
之高士也余所爲下榻者辭讓
於太史太史鄧公又以習靜

讓於督學使督學萬公則謂學

士張宗伯公在可俟也余各走
書三四復議始協適宗伯休沐
過里闢局有日矣二三公猶歛
然吾鄉哲自司馬公而下能悉
當心乎鉅典無小就公書無獨
成願廣之余復走書於司馬萬

南昌府志序

公以及國中薦紳三老凡郡乘
所當揚推者咸請畢其詞辱諸
大夫國人之不余棄也或採於
巷或謀於野或參互於載籍雖
言人人殊而彙進輻輳則志之
道歸焉耳志凡三十卷前後脫
藁者三其梗槩纖悉具諸公自

南昌府志

序

三

為序中又烏乎贅余惟古者諸侯之國各有史自罷侯置守之法行而史廢即郡縣間有識之空文徒存不見諸行事而史亦廢蓋志所以昭鑒戒考得失因其所可因革其所宜革推古昔善治之利以致之斯民而已豫章名郡也省會在焉而徵前信後之典不備至不可徵惠以佐歲其所繫之重可知大夫士之交讓以有成也得無意乎然志未備而求以備之固矣借令備體而遺用備言而遺行善不能法不善不能戒所欲所惡不能

南昌府志

序

四

與之聚勿之施其於士風民瘼何與焉雖志猶弗志也此亦大夫士之所懼也余之所走書而畢力者以此遂以為序賜進士出身中順大夫知南昌府事前南京戶部郎中刑部主事新安范涑撰



南昌府志序

休寧范公之守南昌也思日孜孜以興教起敝爲己任甫下車索郡圖志無從覩焉既訪於比部方公來崇暨余弟上林丞化得舊本二蓋創於某年修於某年俱寢未布公慨然曰文獻故郡志可闕諸是誠在我政暇乃與二三文學章君潢等謀之時余在京嘗以書見訊余方供奉

南昌府志

序

一

南昌府志

講肄樂贊其成而未有以對也萬曆丁亥冬余乞病歸山公訪余草堂曰向云志事業與二三文學編輯成帙矣尚俟一言而定余謝

曰僕病未能也竊聞志猶史然昔嘗濫竽

實錄會典之役每將事預發金匱石室所藏下搜諸司掌故不啻詳焉猶病缺如蒐羅其備手誅詢其公平公由是檄所屬州邑採典實移書鄉先生下問三老訪求

南昌府志

序

二

南昌府志

故家遺俗而佚事多有徵焉公曰庶幾可乎余曰未也竊見國家凡有纂修必開館屬事分曹具草以上於總裁反覆參校始克就緒百工居肆業其成于專手公由是擇公署之靜閒軒敞者增延博雅設饗醴供餼廩分局而專

責成公復以人物見詢余曰志也非所以論於史矣愚何敢與聞史道去取嚴斧鉞鄉黨恂恂依厚孝子慈孫之情可盡徇乎是在主持風教者採月旦公評精於疇咨發于一旦若揭榜標題孰得而議焉公領之遂以章君等所成集如

南昌府志

序

三

千卷質諸萬督學鄧太史余亦幸得卒業公因以序見屬余攷按圖牒俯仰今昔而論其世山川無改氣運推遷良用憮然太息於斯昔

高皇帝神武服海內獨提全師與偽漢爭衡始定豫章故形執

為天下重蓋全省江南中原而南昌又當列郡之中也國初建草昧闢鴻荒休養生息二百餘年于茲中間潢池弄兵逆藩窺鼎雖不無多故尚晏然彌稱樂土以故老所傳自弘正逮嘉靖初官政簡易旄倪嬉遊田里氣靡俗朴士者循

南昌府志

序

四

卷一百一

循本業砥礪清白官有餘蓄民有餘藏不數十年而風景頓異矣若溜建瓴波東注力挽之而卒莫可挽也今方寓謐寧無旁哉意外之擾

天子嘉惠元元有司奉上意蚤夜勤恤蒿目而憂其患科條功令

南昌府志

序

五

絡繹日頌于下始用密抹踈而其踈也更在密用隆抹汚而其汚也更在隆用節抹耗而其耗也更在節更治民艱有若不能為日由一邦而天下可知也審變通而與民宜之非志曷稽或曰存則人之則書固矣自有郡以來良二千石

南昌府志

序

六

一體之學理官如家視民不寧猶痼疾乃身斯舉也亦思其仁之有寄而已連歲苦旱澇饑饉賴公極救多方公為政崇風教重農桑學校斤斤古道恥為俗吏夫天下事廢不舉坐闕軌者托鎮靜偷安旁觀者不肯自為又媚人之為動煽危言相阻蓋事無全善倘憚毛舉而逡巡却步是何務之能成寧惟志也乎哉吾聞君子之為政也居有所樹去有所遺迹公今日之為樹且遺也誠卓以遠矣萬曆戊子仲秋朔日賜進士出身通議大夫禮部右

侍郎兼翰林院侍讀學士

經筵

日講官記注

起居

會典副總裁新建張位謨

南昌府志

序



七

曾學孔書

南昌縣志序

南昌府志

序

一

南昌故缺志有司者多以爲空文
無所用之新安范大夫至輒留意
于茲踰年遂有成書去矣紀利病
昭懲勸可爲空文乎哉蓋其起教
於微渺而轉習於繁希務於弗急
而收於無功所爲用非俗吏所窺
矣縣未易言也方大夫初發念輒
移書屬余山中余抱區土之心有
幸矣雖以罷走比列國之史易而
爲之其傳不遠故屬章受本清爲
謙不敢蓋余深惟孔子絕四矣所
爲筆削自信於天之睿昧然後能
以天信人曰斯民也三代之所以

南昌府志

序

二

直道而行也夫豈數仁然慎人精
以自嚴躬吾輩蕙氣不微猶在天
人之本即昂營發語如泥濘五寸
須說一尺誰仁所有則安敢與于
斯大誠躍一語或浮諸九夫據矣
且史有專官某紀載皆當日所睹
聞此之為成則欲以數百丰後臆
斷其事矣如田賦曰倍於往某增
歛有漸也吾欲求積重之故而戶
書無徵也何以議復嘉之壬午乙
巳歲嘗饒矣自上援之幸有子遺
今室如縣磐壁無青草吾欲求所
已試為今日請而宦績無徵也何
以贊畫人之不同如面或述是而

南昌府志

序

三

心遠或始脩而終戾必耳目所及
然後得其精狀吾欲察於衆好衆
惡之中而故老無徵也何以決去
李由斯以言即余有以自信能無
遺憾否故曰未易言也迺大去不
謂然也直以身任之曰豈可以當
吾空而仍某闕且余為一圻而圖
之何弗信之與有于是開館延賢
廣漁獵重依違某為心亦勤矣猶
有處欲然與衆共之豈不誠斤仁
執江淹曰史之難無出於走非溺
害也然大去有靈乎明德新民之
學久矣其精神淪浹蓋全言語文
字之外自今吏茲土者率大去之

夷徙于寬政解紆民困而生茲土
者亦臨深履薄專一晶魄以起地
靈則上下皆無違心而有嘉德庶
幾大其所為用矣乎願余察國人
之心其孝子順孫多急于明先德
也容可既乎乎能為大其解矣曰
可以書傳者名不可以書傳者神
南昌府志 序 四

無所以不朽書無益也之所以不
朽不書無損也此靈寶之說也且
脩德於明者人紀之行謹於陰者
鬼神紀之無以鬼神為窮冥由枚
葉之榮昌而所紀可知也其於人
何必急上躬乎故欲父老子弟冥
於不必爭而嚴於無所待斯為謹

矣余將以此廣大其用於某請
序也并為書之

萬曆戊子十月罷人鄧以讚撰

五山程福生書

南昌府志 序

五

南昌府志序

司馬氏曰余讀范刺史南昌府志而知王道之易易也夫

高皇帝親將王師百萬逆江流討偽漢血戰鄱湖滅之長驅入豫章城我豫民壹漿迎王師

帝大說幸南昌府學青衿雍雍執

南昌府志

序

一

萬曆

經融融已乃登滕王閣瞰南浦望西山與諸臣飲酒賦詩宵乃張燈令長老携幼縱觀焉始知有生人之樂矣當是時也僞吳竄巢中原沸鼎征討未遑也我南昌先被王化脫去湯火士起絃歌之習民蒙樂利之休蓋已蕩然有控九州駕

百王之氣矣王道於是乎開其始

乃今二百四十年来德化彌洽封

疆若故逆藩不能使之動水旱不

能使之困民皓首不識兵革士結

髮繁被簪纓蓋晏然有執經賦詩

宵燈之象焉王道於是乎成其終

比年饑饉薦臻室而懸罄然灌輸

南昌府志

序

二

萬曆

尤疾於薄海賢書尚後于中華夫今之南昌非昔之南昌耶而鑠盛若此盡

高皇江河之遺唾山岳之委形也

世代流易文獻已微記載弗揚

威靈何述萬曆十有六年春睢陽

范公來守是邦喟然歎曰影響焉

史摭摭春秋以對揚

高皇之丕烈用章治世之典刑其
守土臣事乎乃聯鄉衮儒衿局而
志之布之目四十有一括之類七
決翼軫列垣繫我廣里高山大川
之網之紀類輿地野有澤梁邑有
明堂或因或革吏治乃章類創置

南昌府志

序

三

卷之三

厥序皇皇厥賦唯上上錯懷柔百
神下民以已瘼類典制實繁有封
肇于一本地力有限若之何滾滾
類封爵鴻鴈于飛畢之羅之或漸
于達或遵于池類鄉獻浩宇茫茫
孰知其所啟竅發機孰爲之祖類
雜錄鳳凰鳴矣于彼西岐翹翹其

羽可以爲儀類藝文夫刺史探性
命之實際洩經濟之訐謨復九津
蕩三湖出百瀦之魚腹翔九序之
鳳雛斯不亦耀西江之景鑠振
高皇之雄苗也哉乃復紀之路史
藏之盟府俾後來者考輿地而思
封疆之臣覽創置而思控馭之臣

南昌府志

序

四

卷之四

閱典制而思經緯之臣稽封爵而
思頒祿之臣鏡鄉獻而思棧樸之
臣核紀事而思博物之臣讀藝文
而思黼黻之臣既蕩然若覩

高皇之視學橫經宗廟皇皇百官
鏘鏘又晏然若覩

高皇之登閣賦詩鉄馬騰驤王豹

流光又如列炬遐征樓櫓夜明而
遠覽山色之蒼蒼水氣之洋洋也
耀皇靈而治世恢帝訓以奠封王
道顧不易易乎哉然周官六典猶
舊也周用之而純王唐用之而維
夷已它心之所繇者異路也燕人
有之荆而獲璞者以示荆人剖之
得囊王焉荆人給之曰囊者母也
貴見囊者子也賤我取子君取母
燕人大說從荆人嚮子王于市獲
千金乃持璞囊反燕之市索萬金
終歲不獲一恚曰荆人貴之子燕
人賤之母皆聞也今之志范公之
囊也璞也其心必有所以囊者覽

南昌府志

序

五

鏡者索其囊又索其所以囊乃范
公之玉見矣

萬曆十六年戊子中秋吉

賜進士出身通議大夫兵部左侍

郎前奉

勅總督河道軍務本部右侍郎兼

都察院右僉都御史南昌萬恭譔

南昌府志

序

六